



392901
392926

St. Dr.



2527 III. 5. 17



Ex-Libris
PODHORCE

AORT. GRY




392901

392926

Mag. St. Dr. III

1041



2

1771

1771

CONTRACTUS SPONSALITII

Inter Honorem, & Virtutem

F A C T I

Per

ILLUSTRISSIMUM DOMINUM
D. STANISLAVM ANTONIVM
SZCZVK A
REFERENDARIVM REGNI,
LVBLINENSEM, VARCENSEM,
GVBERNATOREM.

& Per

ILLUSTRISSIMAM DOMINAM
D. CONSTANTIAM MARIANNAM
POTOCKA
Tanti Mariti Lectissimam Conjugem
INSTITUTI,

Inter festivos Hymenæi plausus

Panegyrico Calamo

A Collegio Regio Vladislai IV. Scholarum Piar:

SUBSCRIPTI.

Anno,

Quo Deus cum homine unionis Contractum inivit

1695. Die 13 Februarij.

VARSAVIÆ Typis S. R. M. & Reip:
Collegij Scholarum Piarum.

In Gentilitia Arma
ILLVSTRISSIMORVM
NEOSPONSORVM.



392912

I.

*Non viles stipulas, nec parvæ frugis aristas,
RASTRA per immensum SZCZVKOVIANA legunt;
Scilicet hostiles semper placuere manipuli
Rastris, heroum vel clypeata seges.
Si Domui Vestre similes dant RASTRA manipulos
Insignis fame quantus acervus erit!*

II.

*Vna datur iunctis animo, benedictio Sponsis,
Decurrant faustos ut sine nube dies;
Vos CRUCE POTOCIA signans benedictio ternâ,
Vestris in triplo sortibus omen erit.*


PRÆFATIO
LYRICA

AD ILLUSTRISSIMOS
NEOS PONSOS.

DESISTE tandem bruma rigentibus
Inflata Cauris, cedite frigorum
Soles avari, cum nivosis
Grandipluus Boreas kalendis
Cedat vel ipsas post Garamantides
Compulsus oras, detonet algidis
In tam remotum clima nimbis,
Et quatiat glaciale pondus
Suis pruinis inuia, non ubi
Flores metendi, connubialibus
Sertis adaptandi, canistra
Chloris ubi calathosq; plenis
Subdit racemis, Sarmaticis super
Par grande terris, Nobile coniugum
Fædus coronatura, vittas
Consocio positura collo.
Vix ista pando, iam Driades suis
Binæ choreis, & viridantibus
Texere quas statim coronas
Ex hederis, roseoque mixtim
Nexu ligatas suppeditant, quibus
Submitte primus tempora tænijs
Ornanda STANISLAE, SZCZVCIS
Grande iubar, LVCIIS que lumen
Illu-

Illustre ceris, seu potius novâ
Cum luce Titan per patriæ Polum
Domus coruscans, quæque sparsim
In proavis atavisq; quondam
Suspexit orbis lumina, copijs
In Te refudit, sedula Nomini
Tuo laboratrix, Tuæq;
Plus solito studiosa famæ
Fortuna: tantis tantus adoreis
Submitte frontem; Tu quoque stemmatis
POTOCCIANI magna magnis
Progenies veneranda cunis,
Vel magna solo Nomine, maximis
Summisque suppar, coniuge maximo
O digna conjux, digna signet
Gemmafluum cui laurus ævum
Et cum marito; prendite Conjuges
Has ergo palmas, quas speciosius
Festivus ad præsens minister
In geminis Hymenæus unum
Cor vinciendo porrigit, aurea
Hinc sæcla vobis hinc pretiosior
Virescat ætas, hinc beatis
Prosperitas famuletur horis
Hucusque, donec videritis procul
Vestros nepotes; vivite grandibus
Grandes Neosponsi vetustas
Pignoribus cumulando ceras.

Ita Vovet
Nomini Vestro Devinctissimum
Collegium Varsaviense Scholarum Piarum.



PANEGYRICVS.



REPTANTEM humi facundiam
terrent *Szczukoviani* Montes altiori
supercilio, terret sublime decus *Potoc-*
cianæ Crucis, ad quod eluctari giganti
etiam eloquentiæ minimè concessum,
ILLVSTRISSIMI NEO-SPONSI.
Propius huc ne accede Apollo cum
tua testudine Pœticos figente pedes, præpetibus Mercurij
talarijs non licet hanc altitudinem involare. Ut verum
fateamur, penes disertum Tui oris eloquium *Illustrissime*
Domine Neosponse, quælibet svada infans esse desiderat,
ut illi facilius parcas, si deliquerit, reptare illam, imò &
cadere non pudet, dummodo ad Tuos pedes procumbat.
Alij pro rostris, nos pro *Szczukoviorum* Rastris oratores
esse volumus, quibus magna illorum ingenia in eloquen-
tiæ campo auream messem colligere didicerunt. Quæ-
libet vocalis sparsa per paginas Stentorem agere vellet,
omnis consonans tonantem exprimere Periclem discupe-
ret, quævis muta loqui, omnes liqvidæ optarent diffluere
in plausus vectigales Nomini Vestro NEOSPONSI ILLV-
STRISSIMI. Quotquot literas exiguus ingenij partus
numerat, nullam invenietis, quæ non summo arderet
desiderio præli angustias subire, ut quantocius nigrican-
tem sepiaæ umbram favorabili Vestrae pupillæ radio illu-
straret. Ipsa papyrus Typographico inclusa carceri inter
tot pressuras, & tormenta, auream putabat esse libertatem,
quia Vestris parabatur oculis: non sensit inflicta vulnera,

brevi Vestræ manus attactu sanāda. Plumbea literarum femina sponte in chartam cadere cupiebant, antequam Typographorum manibus jacerentur, ut in Vestræ gloriæ segetem excrescerent, gentilitio Rastro colligendam. Vix illam sementem stanneam artifex dextera in paginam spargere cepit, statim uberrima famæ Vestræ messis apparuit, cui Vos gemini soles præproperam accelerāstis maturitatem. Parum absuit, quin plumbum illud typographiæ nostræ in literas efformatum præ insolenti lætitia colliquefceret, quod in Vestrum Panegyricum suo ordine componeretur. In ceram quodammodo durius metallum mollescebat, ultro diffuens mellea gaudiorum dulcedine, quia ad Vestros parabatur applausus. Dicam potius sine administratorijs manibus tota alphabeti series undique convolare gestiebat, & se ipsam in dictiones coordinare, ne ad Vestra obsequia moram aliquam pateretur. Impressæ tandem periodi una alteram prævertere volebat, unus versus alterum anticipare, ut citius Vestros incurrisset obtutus. Adeoq; non una facies chartæ pudore quodam suffusa erubescet, ultima Columna primæ fronti invidebit, si non prius Vestris sese præsentaverit oculis, atro squallebunt situ mæsti characteres, si quispiam illorum apud vos ILLVSTRISSIMI NEOSPONSI primum non merebitur aspectum. Felicissimam tamen quamlibet dictionem reputabimus, quando Vestro serenata intuitu pulchrius inter literarum umbras resplendeat.

Sæpenumero indignatur stridens præ iracundia calamus obscuris nimium Nominibus, ideoq; atram biledunt su-
am origine
à Lucijs
Romanis. lem suo effundit atramento, quia non habet, quod in illis possit venerari: *Szczukovianæ* Domui iure merito applaudit, quæ à Romanis Lucijs suam ducens originem, quotquot Nomina recenset, tot clarissima accendit luminaria. Primos fontes aviti Sangvinis si indagamus, ad manum sunt Collatinus Consul, acerrimus publicæ libertatis assertor, Papyrius Dictator, Annæus Seneca, Libo,

Libo, & plures alij Luciorum nomine insignes. Edu-
catrix tantorum heroum Roma eam sibi felicitatem gra-
tulatur, quòd è suo Tyberi ferreis induti squammis Lu-
cij Polonum influxerint Vandalum : ipse tamen Tybe-
ris iacturam illorum passus millenas despumat iras, &
hucusque remurmurat querulantibus aquis, quot spumas,
tot oculos eliquans in lachrymas, prodit suam invidi-
am plumbeo livescentes colore eiectans fluctus, ut invi-
dere semper videatur Lechico Vistulæ, ereptam sibi mi-
ratus fortunam. Per quandam communicationem tantū
decus porrexerunt Romanæ Aquilæ Polonæ Aliti ; nem-
pe reginas avium, non plebeias volucres tam Nobilem
sarcinam portare decuit. Et bene est, quòd fulminum
administræ alites in suo educaverint nido primos *Szczu-
kovianæ* Domūs Aborigines, ut longa seriè euntes poste-
ros in fulmina hostium efformassent. Egregiè sanè Tua
Propago ILLVSTRISIME Domine inter Laureatas Ro-
manorum Consulum secures eviruit, & modò pulchrè
ernicat purpurascens sanguinis aurora in illa Vrbe, quæ
purpurei Senatus murice rubescit. Dulcem sui memo-
riam reliquerunt in capite orbis Illustres Tuæ Ceræ,
mella quædam recondentes, quorum dulcedo multos per-
traxit, ut veluti densa apum examina convolent ad gra-
tulatorios applausus. Gentiles etiam Romanorum Dij
cæleste nectar, & ambrosiam libenter ab ore suo amo-
vissent, si illis svavitatem hanc diutiùs gustare licuisset.
Ardent Luciorum nomina vel ipso ethymo ceu splendi-
dæ faces in posthumis cineribus, cedit mortualis gla-
cies tanto æstui, ad ignes æstivis caloribus maiores fri-
gida fatorum hyems incalescit. Videre est in Latinis
Livij, Taciti, & Svetonij historijs illorum egregios au-
sus, retrogradis temporibus stupendos, secuturis vix i-
mitandos. Latent hucusque Martiales Luciorum flam-
mæ in atris literarum carbonibus, quos ad perennem
memoriam Historiographorum calamus expressit. Su-
dant sepulchri marmora non tam naturaliter, quàm sub

pondere tantorum Nominum, aut potius fatis magnorū virorum illachrymantur uberiori stillicidio. Alibi grassantes per libros tineæ Illustrioribus titulis audent acutos insigere morsus; Luciorum nomenclaturam antiquioribus insertam fastis adeo reverentur, ut nisi molliori osculo tangere præsumant. A tantis Maioribus ductæ scaturigines SZCZVKOVIANI Sangvinis manarunt per Bohemiam, ubi primū Hostij appellati, postea, appposito ad Avitos tres Colles Rastro, Lucij Rastellini nuncupati, dignissimos egerunt Barones. Vladislao Bohemo à Balthide ad Istrum & Tanaim ferme decennali pugna cum Scythis Clarissimo bellatori in Regem Poloniæ assumpto Rastellini expeditionum omnium socij, in Russiam colonias deduxerunt, Romanumq; Luciorum nomen in Polonicam denominationem SZCZVKOVIORVM immutarunt. Successu temporis diffundebantur Illustrissimi eiusdem Sangvinis alvei per Masoviam, Litvaniam, quocunque terrarum hic Rubicon pervenit, non erubescenda suæ famæ vestigia reliquit. Adhæserat individuis comes Vitoldo Litvanorum Duci Paulus Rastellinus SZCZVKA contra Tamerlanem Scytharum Imperatorem, quamvis difficile erat Æoliam hanc suo turbine regna involventem compescere, non homines sed ventos persequi, ipso Aquilone, aut Africo celeriores. Involabat generoso spiritu palabundos Gelonorum cuneos magnanimus heros SZCZVKOVIVS, donec occumberet armis illorū confossus. Iterum Pauli cervix lacte manavit, sed candoris illibati erga patriam. Nova in cælo apparuit via lactea, quam Tartarus effudit. Non casus est, sed fortuna pro bono communi in proprio sanguine naufragari, pro Reipublicæ incolumitate mori, est iterum nasci ad gloriam. Martiales viri licet millena pro salute Patriæ devorent pericula, adhuc famelici ieiunant, ipsa tantum morte saturantur: quod si vitam claudant, habent patentes vulnerum portas, quibus novum vitæ genus nunquam morituræ laudis adeant. Stupuit maior
Polo-

Polonia Pauli SZCZVKOVII Filium, qui cum Melsztynio, & subinio Palatinis Legatus Siradiensium Comitiorum decreto, Civile bellum extinxit. Grande illud incendium bustuarijs cineribus totam Poloniam obruisset, nisi tantorum Virorum capita suo consilio obstitissent. Bellum quippe tantò periculosius, quantò intestina arma sunt cordi propinquiora. Quæ foris minantur, caveri possunt, quæ intus gliscere incipiunt, gravius ferire solent. Eripuit Marti hastam, & clypeum, doctior Pallas in ore SZCZVKOVII, adeoq; ferox Gradivus qui millenas manus non timebat, illius facundiori lingua exarmatum se esse fatebatur Ita omnium animos composuit, ut illæ viperæ propriæ matris rodentes viscera lethale deposuerint yenum. Plurima efficit mite consilium, & quamvis agni mansuetudinem induat, validissimum tamen arietem admovet infractis cordibus, ut deditionem proclamare cogantur. MATHIAM SZCZVKA bellicis clarum facinoribus vetustissimi testantur annales; mitratus honor Litvanorum Principum exornat, quem in iura consanguinitatis traxit connubiali fædere cum Ducissa Visgierdiana: augustis nexibus Ducalis mitræ magna illigavit merita, non ignarus altiores affinitatis gradus deprimi absq; consanguinearum virtutum profapia, marcescere fortunatam cognationis propaginē, si illi probitatis furculi non inferantur. Alia tandem asurgit seges clypeata virorum penes gentilitium Rastrū, ALEXANDER SZCZVKA Præfectus cataphractæ cohortis, umbratilem vitam perosus, sub splendido Podoliæ sole apricari voluit. Planeta ille signum Turcici scorpi-
onis ingressus fuerat, brevi in Thracicum sagittarium migraturus, tot solisequia habuit, quot strenuos bellatores, ex quorum numero ALEXANDER semper suum respiciebat Phanetem, in bellicæ virtutis teatro cruentus actor multos generositatis suæ habuit spectatores. Paternæ fortitudinis hæres eiusdem Filius Bellonæ stipulatam dedit manum, cuius obsequijs totum vitæ cursum

*Mathias
Szczuka.*

*Alexander
Szczuka.*

Augustinus
Szczuka.

Stanislaus
Szczuka.
Parens Il.
lustrissimi
Referenda-
rij.

impendit. Ad Korsunum in Tauricanas compedes raptus pro publica libertate mancipium fieri voluit. Fre-
nanda erat vinculis magna in agendo celeritas, ut sibi
tantisper ab irrequietis laboribus temperaret. Nunquam
triumphalius classicum insonare poterant pedum tibiæ,
quàm dum ferreis tinnirent catenis. Pilaviecciana clades
tanto bellatori ultimum eripuit diem, non tamen sine
magno gloriæ perennis fœnore; quia cruenta mors, cæli
purpuratum effecit. AVGVSTINVS SZCZVKA cor i-
gneum in hostem ferens glaciales frigidi Septemtrionis
animas adussit, Sveticum leonem mitius sapere edo-
cens, ac tandem pro amore patriæ victima cecidit, non
fatalibus taxis, sed laureis coronata. Pari dexteritate
PETRVS SZCZVKA confertissimas Svecorum phalanges
irrumpebat, quibus in prædam cessit, totoq; biennio car-
ceri mancipatus revera Petrum ad vincula se esse proba-
vit. STANISLAVS SZCZVKA Parens Tuus Illustrissi-
me Domine *transtulit aureo sculpenda coelo nomina: quæ
procul Memnonq; & auroræ rubentis regna legunt mediis-
q; vesper miratur astris.* Ad magna natam illius indo-
lem publica probârunt consilia, & sanguinea Martis aci-
es magnanimitatem exploravit. Non tam maturæ sene-
ctutis pruinâ tectus esse videbatur, quàm intaminati can-
doris nives erga bonum publicum præferebat. Immer-
fabilis tanti viri animus omnes fatorum procellas con-
temnebat, serenum SZCZVKOVIANÆ frontis sæ-
vam periculorum tempestatem despiciens, inter ferream
grandinem pulchrius emicabat. Inumbravit victricibus
laureis gentilitios Montes, ne hostium fulminibus qua-
terentur, inter demessos barbarorum manipulos magis ac-
cendit avitos sui Rastri decòres. Ita venabatur omnium
affectus, ut alatum amorem non visco adulationis pren-
faret, sed sinceræ mentis illicium captandæ huic volu-
cri proponeret. In publico confesso dicendi svavitate
audientium animos demulcebat, *penitusq; loquentis Hy-
bleis vox mista favis, cui sibila, serpens poneret, & sævæ
vellent servire nouercæ.* Graue in consilijs pondus ita o-
mnium

mnum ora catenavit, ut clingves esse viderentur, pro-
 funda defixi admiratione. Ne minimum quidem re-
 cessit à virtute sui Parentis MICHAEL GRATIANVS ^{Michaël}
 SZCZVKA Gubernator Vitagoliensis, Frater Tuus Illu- ^{Szczuka}
 strissime Domine, qui prima militiæ rudimenta posuit ^{Frater Il-}
 contra rebellem Cosacorum audaciam. Lethali faucia- ^{lustrissimi.}
 tus vulnere, indelebilem suæ generositatis characterem
 memorandis gloriæ fastis inscripsit. Rubro colore notan-
 dus erat dies Palmarum, quem per anni circulum sæpi-
 us celebrabat. Sangvine temulentus chalybs non pote-
 rat suam extinguere sitim, nisi SZCZVKOVII cruorem
 amore Patriæ bullientem avidius hauriret. Serenissimi
 Vilhelmi Friderici Electoris Brandenburgici castra secu-
 tus, obsessum Stetinum inter primos acerrimè oppu-
 gnavit. Grandi mugitu detonabat *areus Aetnâ Mulci-*
ber, igniuomo præceps ex ære procella erumpens flammæq;
truces grassabantur: undiq; ferreus imber præsentissimū
 minabatur periculum, minimè tamen SZCZVKOVIM
 exterruit, qui inflexo supercilio plumbeam excepit tem-
 pestatem. Hosti formidandus, domesticis affabilis, o-
 mnes gratias in Gratiani Nomen immigrasse ostendit. Ad
 obsequium Patriæ semper penatam obtulit celeritatem,
 ut se alatum Michaëlem probasset. DANIELEM ^{Daniel &}
 & IACOBVM SZCZVKAS *per populos garrula differet* ^{Iacobus}
bigis gloria candidis, & seris retinet fama nepotibus. ^{Szczuka.} Da-
 niel vir desideriorum, quia omnium animos demerebatur:
 inhiantes suæ vitæ leones habuit, insensos dūtaxat hostes;
 immani tamē illorū rictu minimè absorptus, risit inanes
 conatus. Alter IACOBVS verè filius tonitruī, mu-
 cronis fulgure barbarorum oculos perstrinxit, alios
 fulminatrice dextera prostravit. Non tacebunt immor-
 tales fasti clarissimū nomen HIERONYMI SZCZVKA ^{Hieronymus}
 Ensisferi Trocensis, cui tenera ætas humanioribus literis ^{Szczuka}
 exculta, & aulicæ politiæ instructa, pulchra temporis di- ^{Ensisfer Tro-}
 spensatione effluxit. Cum Illustrissimo OGINSKI pro- ^{censis.}
 tunc Palatino Trocensi, postea Cancellario M. D. L. Pan-
 nones Panico timore percussos fugavit. Penes igneum

Oginſcſij animum, alter Flaminius martiali æſtu ardebat.
 Leſtiſſimæ militum coronæ inſertus addenſatas Turca-
 rum phalanges audacter perrupit, primos ſuæ Domus Ab-
 origenes Lucios Romanos æmulatus, quibus fuere *prodi-
 ga vitæ pectora, & extremam nihil horreſcentia mortem.*
 Præter alios complures, uni ex primis Ductoribus Threij-
 cijs lethale vulnus inſſixit, ipſe tandem lætus pro incolu-
 mitate patriæ occubuit. Ita ſanè perennis gloriæ nundi-
 natores, propriæ vitæ impendio immortalitatem mercan-
 tur, libenter ultimam diem claudunt, ut famæ aperiant
 auguſtalia. Vltimum inter vitâ functos ponimus, quia
 non ita pridem fatis abreptum CASIMIRVM SZCZVKA
 Episcopum Culmenſem, cujus viva imago hæret noſtro
 cordi inſculpta. Hucusq; morti illius Scholæ Piæ adge-
 munt, non ſine viſcerali ſingultu. Egregias tanti viri
 dotes ad calculum revocare impoſſibile, ſaltem preſſiori
 calamo delibare conſentaneum. Non tantum patria ve-
 nerabunda ſuſpexit elevatæ illius mentis faſtigium, altius
 gentilitijs Montibus, etiam exteræ nationes ſtrupuerunt.
 Peragravit Germaniam, Galliam, Italiam, ubiq; hoſpes,
 ſed in omnium affectu domeſticus; rapuit vultus mode-
 ſtiæ exoticorum animos, matura teneræ ætatis gravitas in
 ſui admiratione immotos defixit oculos, irretortas ſuſpen-
 dit palpebras juvenilis conſtantix ſenium. Alij propriæ
 laudis venditores ad exteros pergunt, ut ſumofas mayo-
 rum imagines in monopolio exponant, vix aliquem in-
 venturi emptorem, qui illas juſto pretio æſtimet. Multi
 ad remotas orbis regiones properant, ut mundi plagis ani-
 mum ſaucient, vel indelebilem ignominix cicatricem in
 patria limina reportent. Sæpius in capite orbis, caput a-
 mittunt, ideoq; non habent, in quo laureas reponant.
 Ut nativos orbi præſetent ſplendores, veluti erraticæ ſtellæ
 diſcurrunt, melius ſi fixæ domi luxiſſent. Placet peregri-
 nantium animus, ſi ſpongiam æmuletur, honeſtos extra-
 neorum mores imbibens, vel chamalæontem exprimat,
 omnigenæ virtutis trahens colorem, alioquin parum va-
 litu-

Illuſtriſſi-
 mus Caſi-
 mirus
 Szczuka
 Episcopuſ
 Culmenſis

liturus, si alienâ tantum vivens aurâ leniores captat Favonios. Promovit palmares gressus sub peregrinum solem CASIMIRVS, ut domestico suo Rastro plenos virtutum acervos collegisset. Involabant illius Montes Romanæ aquilæ, gratissimo advenæ festivo alarum applaudentes remigio. Salutavit hospitem suis Austria alaudis, quæ suaviori concentu millenas frangebant voces. Pulchrius candicabant nativis nivibus Gallica lilia ad ipsius ingressum, vix pedem aliò movit, moesti quodammodo flores lividum induerunt colorem, vel invidentes alijs mundi partibus ejus præsentiam, vel lugubri cultu suam exprimentes tristitiam. Tandem redux in patriam conquistum sapientiæ thesaurum asportavit, cui reponendo non alius commodior locus, quàm regia aula Ioannis Casimiri, qui in funesto bellorum turbine viros omni absolutos numero ad consilia quærebat. Grandem effuderat procellam Mars Sueticus à Balthico mari, expectans Polonæ felicitatis naufragium, sed nescivit fortunam Oceani fuisse filiam, quæ cruentis etiam fluctibus demergi non potuit. In illa bellorum tempestate, primus ex intimis ministris, sollicito Principi edaces curas suâ prudentiâ optimè scivit relevare. Pulchra obsequij gloria, non tantum herili fortunæ famulari, sed etiam infelicitatis pedisequum esse. Æquali passu dominorum vestigijs insistendum, sive cum Perseo rosas calcaverint, sive fortis iniquæ carduos. Ad Gustavum Regem, & Suecorum castra à Serenissimo Principe delegatus, ita maritimam gentem furibundos æquoris æstus imitantem verborum lenocinio composuit, ut iras ultiores despumare non fuerit ausa, tranquillæ mentis spondens halcyonia. Fracta tot difficultatum glacie nomine Commissarij ad infestam à Suecis Pilcensem arcem Stanislai Warszkycki Castellani Cracoviensis, ordinatus, illius deditionem evicit. Siradiensis Nobilitatis desideria secutus, ad tractandum cum Piron Italo Succis militante, omnia ex voto effecit, ad nomen Serenissimæ Ludovicæ Petricoviensi ar-

ce excedentibus Succorum præfidiarijs, ipso deniq; Gubernatore in Regis nostri, & Reipublicæ fidem non illibenter juramentum deponente. Iterum Legatione functus ad Bogdanū Chmielnickiū rebellī Cofacorū Ducē sua suavitate agreſte illius ingeniū cicuravit. Nescivit immanis hæc bellua venerari Regiæ Majestatis characterem in altero Ablegato, quia contra regalis tituli ſerenitatem grandi detonans tempeſtate, propius accedere volentem, globorum grandinem effudit. Hospitem excepit, ſed plumbeis glandibus. Felicior fuit adventus CASIMIRI SZCZVKA, ubi illum ferocem leopardum in mitiorem agnum mutavit. Sua affabilitate Georgium Chmielnicki, Bogdani Filium ad obſequium Principis adduxit, Maſepam, prætextatum juvenem aulæ Regiæ officijs aptavit. A Martiali caſſide ad ſpiritualem militiam translatus, quæ ut tanti viri merita coronaret, Præpoſitura Varſavienſi, Canoniatu Cracoviенſi, Abbatia Paradifiенſi eundem cumulavit. Altiores Infulæ conſpirarunt in emeritum CASIMIRI caput, niſi illud ſanctioribus tiaris modestia ſubduxiffet. Stetit inexpugnabile pectus bicorni cuſpide, veluti gemino pulſatum ariete, vix tandem generoſum honoris transfugam Culmenſis Vittæ arctior nexus invitum conſtrinxit. Multorum ambitio ad alta faſtigia alienam gratiam implorare didicit, illius demiffio plorare tantum edocta ad Præſuleæ dignitatis onus humeris impoſitum, ardentiffima omnium vota ſpectu extinguerе volebat. Candidum in ſenili ætate olorem lachrymarum fontibus innatantem omnes non ſine gemitu ſtupebant, magis tamen in illis torrentibus flagrabant deſideria, ut in Episcopali Cathedra digniffimum Antiftitem venerarentur. Profuſam illius liberalitatē loquuntur Lomizæ, Tarcinij reſtaurata templa, noſocomia recipiendis mendicabulis erecta, annuoq; cenſu dotata. Munificentia vehementiorem fluminis impetum æmulatur, ridet obices, diſſolvit machinas: Nilus inundans, ſi coneris compeſcere, plus creſcit, & obſtantia perrumpit. Exſiccantur facilius cisternæ, quæ

quæ aquas tenent, quàm fontes, qui dimanant: Oceanus
 quidam est liberalis animus, qui semper recipit, dum sem-
 per effundit. Deprædicabunt posthumi annales munifi-
 centissimi Præsulis beneficam manum, loquentur doctio-
 res fasti plenis effusam alveis in pauperes prodigalitem.
 Diutiùs suaves Majorum Tuorum Vmbras captaret noster
 calamus in primo statim limine SZCZVKOVIANÆ pa-
 negyris lassatus, adeoq; non sæpiâ, sed quodam sudore
 perfusus: verum evocat illum Tuæ Illustrissimæ Domûs
 succedanea tot magnorum virorum series, quos feliciter
 superstites Polonus orbis adorat. IACOBVS SZCZVKA
 Canonicus Cracoviensis fatigat oratorum ingenia, longo
 meritorum circuitu rotat capita, ut vertiginem pati co-
 gantur. Acutum illius ingenium omnem perplexæ ambi-
 guitatis nodum perstringit, animi tersissimus nitor veluti
 diaphana speculi crystallus, quam ipsæ tantum virtutum
 Pulcheriæ inspiciunt, nullus invidiæ basiliscus severiori
 oculo intueri audet, nè refracta luminis maiestate se ipsū
 perimat. In rebus agendis cum maturitate juncta celeri-
 tas par Infulis caput ostendit, ardentissimus Divini hono-
 ris zelus multorum accendit animos, ut majori semper
 conatu ad altiore virtutis gradum contendant. SEVE-
 RINVS SZCZVKA, Canonicus Culmensis, splendidissi-
 ma fax in candelabro Ecclesiæ, cui antea *arsit apex capiti,*
cristæq; à vertice flammæ fundebant, & vastos umbo de-
dit aureus ignes. Prælusit nitratis Gradiui nimbis accen-
 so ad aras thymiamati, post castrenses lituos ad sonum E-
 vangelicæ tubæ properavit, antequam in vinea Domini
 operarium ageret, plenis fascibus triumphales palmas
 collegit. Maxima tamen hæc victoria, quod ad altare ca-
 ptivum in manibus Deum teneat. Novam quotidie ex-
 pugnationem cæli aggreditur, ejaculatorijs orationibus
 pulsans supremam arcem, pro ignitis dolonibus ardentes
 affectus cælesti præsidio admovet, sanctioribus Pergamis
 profundæ humilitatis cuniculos subijcit infatigabilis ex-
 pugnator. Ad Dei cultum & templi decorem multa cro-

Iacobu
 Szczuk
 Canonic
 Cracovi
 sis.

Severinus
 Szczuka
 Canonicus
 Culmensis.

gat profusior illius dextera, ad sublevandam pauperum
 inopiam toto se effundit pectore. Plenis examinibus
 convolant mussitantes illæ apes, & semper inveniunt im-
 marcescibiles gratiarum hortos, ex quibus mella conso-
 lationis colligat. Millena meretur encomia VENCESLAVS
 SZCZVKA Archimagirus Regni, Gubernator Vavelni-
 censis, animosissimus bellator sub Ioanne Casimiro in o-
 mnibus prælijs, quæ in magno Ducatu Litvaniæ contra
 Moschos gerebanrur. Contrivit triumphali calcaneo
 squammis loricaum Moschoviæ draconem, ne patritijs
 montibus adreperet, in quibus magnanimi tantum leones
 sua posuerunt cubilia. Hucusq; personat vocali famæ
 classico Chocimensis pugna ingentes VENCESLAI cona-
 tus, ubi Polonorum *manus omnis in armis, omnis & in*
capulo Othomanicæ lunæ fregit cornua. Protunc invi-
 ctissimus Dux, hodie Serenissimus Monarcha inani fastu
 ebrium orientem magis ingurgitavit Musurmannico san-
 guine, ut mentis inops, caput, & cerebrum amiserit.
 Risit totus orbis incrapulatum helluonem, qui turpiter in
 suo lapsans cruore volutabatur, gravi absorptus temu-
 lentiâ. Armamentarij Rēgni curæ admotus SZCZVKO-
 VIVS, fortiori suo robore, quàm bellicis machinis fre-
 git hostium cuneos, ac tandem Commissarius Imperatori
 suo Chocimensē arcem aperuit. Serenissimi Principis
 fulgurantem Clypeum secutus, quocunq; vibratissimum
 jubar proijceret, sive in rebellem Borysthenem, sive in Vi-
 ennæ defensionem, vel Bassarabiam vix aliquando Polo-
 norum calcata vestigijs. Vbiq; imperterritum gessit a-
 nimum VENCESLAVS *audaces effusus in iras, conseruitq;*
manus, nullo quassabile ferro obijciens caput in cedes, sæ-
vosq; tumultus. Et MICHAELEM SZCZVKA Nobilitatis
 Principem, & Notarium Terrestrē Trocensem inter bel-
 latrices animas Litvania numerat, infractum ille pectus
 decumanis exposuit periculis, per latepatentes campos
 effusam Hungarorum colluviem perrumpens, Serena frō-
 te spectabat ex illis nubibus cruentam pluviam, quæ ter-
 ram

Michaël
 Szczuka
 Nobilitatis
 Princeps,
 Notarius
 Terrestris
 Trocensis.

ram purpurisso induerat, semper magnanimo heroi acubant orem crudiora belli obsonia, tormentariae pilae pro suavioribus fuere pulpamentis. In adorationem tanti nominis cadebant aurei Pannoniae montes, gentilitios ejusdem colles submissa venerantes cervice. Rapitur in similes ausus martiali spiritu PETRVS SZCZVKA Ensisfer Petrus
Szczuka
Ensisfer
Mielnicen.
sis. Mielnicensis, *qui dulces lituos, ululataq; praelia gaudet auscultare, leves agitans in bella lacertos.* Hoc unicum sufficit ad Tuæ Domus encomium Illustrissime Domine, quod ad ipsam Viennam in exercitibus tam nostris, quam exoticis septem numerabantur SZCZVKOVII. Dixisses in Austriacæ Fasciæ Zodiaco septem luxisse Planetas, qui hostium vires nocivo labefactabant influxu.

Vltro influunt vectigalem Tuo Nomini pennam Illustrissima sanguinis materni decora, refracto à Ducalibus mitris circumfusa splendore. Avia Tua Illustrissime Domine REGINA DOMACHACKA ex antiquissimis Ducibus Domachaccijs. Mater ex Ducibus NIERONOVIIIS, quorum præclara gesta in posterorum memoriam vetustissimi transmittunt annales. Primus NIERONOVIVS in consanguinea educatus aula Ducissæ Russiæ Olha, quæ Constantinopoli sanctioribus abluta thermis, assumpto nomine Helenæ, in Russiam adhuc Ethnicam prima cum fide ritus Græcos invexit, cum qua simul NIERONOVIVS lustrici fontis salutare lavacro regeneratus, orthodoxæ religionis acerrimus extitit propugnator. Suspexit generosum militem Vlodimirius Suiatoslai filius, ideoq; Ducalem clavam eidem contulit, ita persuasus, clavatum hunc Herculem septicipites hydras detruncaturum. Vltiores Principis gratiæ in Nieronovium plusquam septenis Nili ostijs exundabant, in qua beneficiorum eluvie velut alter Polycrates signatorium annulum invenit. Pulchrius sigillatoria gemma enituit penes hunc infractum adamantem, ut pote vibrantioribus ejusdem radijs illustrata. Mittitur Legatus ad Imperatorem occidentis, qui Vlodimirio adhuc gentili negatam, tandem

D Catho-

Catholica fide initiato, promissam Imperatoris filiam in
connubium deduceret. Non umbratilis anima illustres
Hymenæi faces sua persuasione accendit, nobilis parany-
phus lætum orientem in occidente reperit, ubi Serenissi-
mam Sponsam coronato Principi deduxit. Legationis e-
jusdem Comes Budusius, Ducis Secretarius magnas dotes
in *Nieronovio* admiratus, unigenitam filiam eidem in ma-
trimonium elocavit, magnis favoribus cumulante Princi-
pis dextera connubiale fædus. Successor Vlodimirij Iaro-
slaus versatam in omnibus indolem *Nieronovij* arbitratus,
illum à consilijs habuit, tandem tradita in vitæ sociâ Ven-
cesslaa sorore Casimiro Regi Poloniae, Gnesnam perrexit ad
novæ Reginae coronationem, *Nieronovio* Ductore stipa-
tus, cum aliquot armatorum millibus. Deprædicatam à
Iaroslao *Nieronovij* generositatem libenter Casimirus au-
diit, eidem in gentilitium decus data discripta Sagitta pe-
nes dimidiam Lunam, & stellam, optimo *Nienoroviane*
Erasmus, magnanimitatis argumento. Æmula paternæ gloriæ fi-
Alexius,
Marcus, *Nieronovij* liorum virtus, scilicet Erasmi, Alexii, Marci *Nieronovi-*
orum ad majora semper eluctari voluit. In aula Casimi-
ri Erasmus Mareschalci munere functus, morum gravitate
cor Principis rapiebat, omnium captabat affectus. Ardu-
um omnino est, in aulicæ vitæ freto latrantes invidiæ scyl-
las evitare: quandam raritatem sapit, in hoc pelago ad
æmulationis scopulos non impingere; non unus post nau-
fragium *nudâ iacuit Palinurus arena*: *Nieronovius* satis
cautè has cautes prætergressus, omne periculum evasit.
Alexius Nieronovius in consortem acceptâ Starodubovi-
ensis Ducissæ consanguineâ, Ducalibus mitris novos ac-
cumulavit splendores. Marcus apud Ducem Smolen-
scensem strenuus bellator, cui *torvum spirabant præcordia*
Martem. Et licet invida mors ipso juventutis flore ver-
nantem succiderit, clarum tamen in annalibus Russicis il-
lius nomen squallidæ oblivionis non obumbravit sipario.
Generosa Erasmi proles Efrem Nieronovius Boleslai Cri-
vonovius. vousti signa secutus, semper innubem candoris serenitatē
in Prin-

in Principe expertus, illuc triumphales promovit gressus,
 ubi fulgurabant enses, & *atro fata sinu Libitina rotabat.*
 Redux cum Fratre Romano in Russiam, Gubernatoris Ki-
 jovienſis filiam connubiali junxit fœdere. Illuſtre nomen
Pauli Nieronovij in Sclavonica hiſtoria ſatis egregiè re-
 ſplendet, qui Pannonicas involabat cohortes. Expugnata
 Haliciâ, captæ urbis omni præda, & theſauris à Kijoviænſi
 Duce donatus. Apud Mſciſlaum & Leonem Duces Ruſ-
 ſiæ, Præfectum exercitus agens, libenter ſeniles etiam an-
 nos Marti confecravit, adeoq; albicantes in capite matu-
 ræ ſenectutis nives ardebant ad pugnam, æſtuabat belli
 caloribus frigida ætas. *Ut primum ſtrepuere tubæ, ceu*
lubricus alta anguis humo verni blanda ad ſpiramina ſolis
erigitur liber ſenio, & ſquallentibus annis exutus, lætisq;
minax interuiret herbis. Sic ille toties rejuveneſcere vi-
 debatur, quoties ad prælium magnanimos herôes ferale
 clauſicum vocabat. Ereptus ex captivitate Scytharum,
 perſoluto lytro per Ioannem uterinum Fratrem Mſciſlai
 Ducis ſuperſitem filiam in conjugium accepit. Nimirû
 Ducalis *Nieronoviorum* propago æqualitatem ſanguinis,
 & pares titulos invenit. *Ioannes Nieronovius* primò apud
 Lubartum Luceorienſem Ducem, poſtea apud Iagiello-
 nem Poloniæ Monarcham Curia Mareschalcus, egregius
 Tartarorum domitor in Kijoviænſi terra bona ſibi erepta
 vindice ferro recuperavit. Majorum ſuorum imagines
 Regij ſanguinis colore pulchrius adumbravit, affine Ia-
 giellonis Granoviâ in vitæ conſortium acceptâ. *Okinius*
Nieronovius ab Avunculo Dovoinio aduitalitiè bona ac-
 cepit, quæ novo titulo Szpilowſzczyzna appellavit, & ſe
 abhinc ſcripſit *Szpilovium*, à quo reliqui ſuam retinent
 denominationem. *Ioannes Nieronovius* ad aulam Sigis-
 mundi Ducis Litvaniæ degens, primò Colonellus, dein-
 de Notarius Campeſtris connubium inijt cum Sorore Cō-
 ſtantini Ducis Oſtrogienſis Litvaniæ Generaliſſimi. Si-
 giſmundus in Regem Poloniæ coronatus cum Vladislao
 Fratre Hungariæ Rege, Maximilianum Imperatorem invi-

*Paulus
 Nierono-
 vius.*

furi, Viennam convenerant, in quibus *Nieronovius* ad lucem lunæ subtilem annulum hasta induit, non sine omnium stupore. Dux exercitus Ruthenici à Rege creatus, & Radivilij Lituaniæ Generalissimi socius, Staroduboviensem arcem à Moschis obsidentibus, cum magna illorum strage, liberavit. Extulit præpetibus alis Radiviliana Aquila magni Triumphatoris nomen, vocales ejusdem tubæ plausum dederunt strenuo vindicatori. *Theodorum Tribunalum Rzeczycensem, Georgium Iudicem Terre-strem Mscislaviensem, Marcum Notarium Rzeczycensem, Hieronymum, Samuelem, Christophorum, Bogdanum Nieronovios* ipsi immortalitatis fasti loquantur, non stricti margines levioris paginæ complectantur. Alios iterum extendit ramos procera consanguinitatis Tuæ Arbor. Illustrissime Domine in eminentiori Montium vertice excre-scens. Magnum illi accedit decus ex Illustrissimo Sangvine *Vasgierdorum, Ostrogiorum, Mscislavorum, Dovo-cum avitavorum, Lubeciorum Ducum*. Induunt Tui Sangvinis *SZCZV-KOVIO-RVM Ceris* *Erythreum alia purpurata flumina, nempe Oginscij, Brzo-slovij, Puzina, Mleczkovij, Abrahamovicij, Raieccij, Hu-levicij, Medelij in Curlandia à Marchionibus descenden-tes*. Eodem consanguinitatis fœdere Tibi conjunguntur avitæ geneses *Rostkowsziorum, Popowsziorum, Stetkiewici-orum, Bychowziorum, Gudziansziorum, Kalinowsziorum, Brzozowsziorum, Bogusziorum, Swirsziorum, Glinkarum, Ianczenziorum, Dobromirsziorum, Wolczkorum, Doma-racciorum, & plures alij cognationis nexus, quos longi-ori syllabo texere non expedit, sed potius profundo ve-nerari silentio.*

Hucusq; audentiori calamo exspatiari licuit per am-plissima Tuæ Domus atria Illustrissime Domine, ubi Te ipsum in panegyrim evocat, attonitus hæere cogitur, vix primam Tuæ vitæ auroram magnis illustrem splendo-ribus attingit. Adhuc fasciatus eras pusio, & jam Tuum gigantem animum patritijs Montibus altiore cunæ pu-eriles capere non potuerunt. Tui infantiles vagitus jam fulmi-

*Tenera a-
tas illustris-
simi Refe-
rendarij.*

fulminibus in hostem detonare videbantur, cadentes ex oculis lachrymæ, plumbeam grandinem in barbarorum cervices depluebant, suaviori risu terebrata facies difficiliore salebras, & quosdam effusos aggeres orienti formidandos repræsentabat, adeoq; inter crepundia bella timebantur. Ita gratosus eras, ut si Te in Lucinæ sinu Pallas, vel Bellona vidisset, milles ereptum in suo gremio sustentasset. Adhuc in lacte materno suxisti canam gravitatem, simul cum vita Martiales hausisti spiritus, qui hucusque in Tuo pectore grandi æstuant incendio. Augustæ frontis augusta majestas maxima de Te pollicebatur, in tenerioribus ocellis Mars scintillans futurum bellatorem præfagebat. *Raptâsti protinus arcum, tela puer lachrymis, & prima voce rogabas.* Quoties Te Parens Tuus pectore preffit anhelato intrepidum ferri, galeæ vel triste timentem fulgur, & ad summas tendentem brachia cristas. Nunquam Te minoribus cœtaneis miscebas, sed canitie tectis capitibus, ut aliquid addisceres, & teneræ menti impressum postea in adultiori ætate refricares. Contempsisti arenosa puerorum propugnacula, & nivibus constructas arces, utpote ventorum ludibria, jam in prætextata ætate Tuæ menti veræ fortalitiarum imagines obversabantur, fortius inhærebat cogitationi valida præsidiorum expugnatio. Non bullas diversis variegatas coloribus per æra spargere Tuæ teneritudini placuit, vel pueriles captare nuces, sed tormentariæ pilæ Tibi ludus erant, ad ignitos dolones juvenilis animus rapiebatur. Illis reliquisti friuolam levitatem, quibus equitare in arundine longa proprium, in Te adhuc bullato gravitatis senium expressisti, illum juvenem æmulatus, de quo Mantuanus Vates concinit: *Pulcher Iulus ante annos animumq; gerens, curamq; senilem.* Quis tandem non admiretur Tuæ doctioris pennæ velocitatem, quam ipse Bellerophon alato Pegaso sequi nunquam attentaret. Omnem ignavi-
am à Te expunxisti eruditiori calamo, quòd si iterum redire auderet è scholastica arena vallum eidem objecisti, ne
E faci-

*In studijs
celeritas
ingenij.*

facilem ad Te aditum inveniret. Dulce nectar facundi
Tui oris amara condivisset absynthia, ut alter Ambrosius
credereris, cui in labris operosæ apes suave deposuerunt
mellificium. Aliorum somnolentiam luna suis exstimu-
lat cornibus, ignita stellarum calcaria excitant, turpi ni-
hilominus stertentes veterno minimè evigilant Endimio-
nes; talibus à cœlo non indigebas stimulis, quia illud
irretortâ aspexisti pupillâ sub profundæ noctis conticini-
um. Multos numeramus idololatrias, qui somnum mor-
tis imaginem singulari cultu adorant, rarum invenias ico-
noclastam, qui hanc effigiem contemnat, Tu verò semper
contempsisti. Pluribus inter pulvinaria sopore gravatū
caput plumescit, vel brachia pennas induunt, quasive-
ro ejusmodi alis evolare possint ad ipsa immortalitatis
confinia, verum plumea illa voluptas plumbea quædam
est sarcina: Tua celeritas alata esse videbatur, non inter
molliores culcitras, sed doctioribus calamis instructa.
Peligni oloris plumæ delicatiorem Tibi pulvillum præbe-
bant, scilicet tristes Ovidij elegiæ, quibus perlectis, bre-
vem carpebas somnum. Ipsæ Tibi indignabantur no-
ctes, quod natives illarum umbras non unâ Cleantis lu-
cernâ, sed millenis ignibus propulsaveris, à magni inge-
nij lumine externam etiam amandans obscuritatem. Læ-
tior flamma non tam innato calore ardebat, quam deside-
rio quodam Tuos subintrandi obtutus, qui semper squal-
lentes umbras oderunt. Quia impalluisti ad libros, faci-
lè inter primos sapientiæ candidatos numerabaris; pul-
chrè tamen pallorem hunc verborum purpurissus exorna-
bat, quando ipsas loqui rosas incepisti. Nemo apud Te
pretiosum fuisse tempus negaverit, quia illud scholastici
sudoris gemmæ distinxerunt. Quoties ligati Apollinis
vincula, vel auream facundiæ catenam humanis menti-
bus injecisti, semper captivatæ eò ducebantur, quò illas
disertior Tua lingua trahebat. In utroq; Te Cæsarem
demonstrasti, pulchrius esse existimans, si metricos pedes
altior eloquentiæ cothurnus exornet. Quid mirum in
SZCZV-

SZCZVKOVIANA Domo tot sapientes viros reperiri,
 quibus gentilitij Montes doctiorem Parnassum adumbrant.
 Ad Aristotelici organi sonos Philosophicum cursum fe-
 liciter absolvisti, satis in illo velociori saltu circumspe-
 ctus, quia omnem vitiosum circulum evitasti. Musæ
 quondam in volucres mutatæ ex Pyrenæi ædibus evolâ-
 runt, ut Tuum involarent sinum, citius plumescebant,
 ipsas aves superaturæ pernici alarum remigio. Adhuc
 teneriore manu in terno Monte plantasti Apollinis lau-
 ros, suavem sub illis captaturus umbram, ut aliquantis-
 per post longos in literarj cursu anhelitus respirares.
 Hastatæ Palladis miles ita contra otium infensissimum
 scholasticis profectus hostem ingenio decertasti, ut Pœ-
 ticiis à Te vulneratum cæsuris, pedibus conculcatum, li-
 gatæ orationis constrictum vinculis, palmam cecederet
 suo triumphatori. Iterum Tecum pugnare non au-
 debat, ne Rhetoricis demersum fontibus, vel cornutis
 Philosophiæ argumentis confixum turpiter occumberet.
 Respondes non dubiæ spei, quam in primo juventutis
 Tuæ flore multorum formabant auguria, quia Te talem
 experiuntur, qualis non inani voto expectari poteras. A
 Romanis Lucijs ducens originem, Tua luce Academi lu-
 cos illustrasti: nunquam pulchrius illi umbrosi saltus re-
 splendere poterant, quàm Tuis circumfusi splendoribus.
 Novam accendisti diem, quam ipsa etiâ Minervæ noctua
 libenter inconnivâ spectaret palpebrâ, amicam alias suæ
 naturæ dedignata caliginē. Manuductrice sapientia ve-
 nisti ad Aulam Serenissimi IOANNIS III. maximum pe-
 rennaturæ gloriæ theatrum. Primæ magnitudinis fidus
 Augustus noster amat ejusmodi phœnomena, quæ ma-
 gnus illius fulgoribus suum adaugent lumen. Inviçtissi-
 mus Monarcha illos Scuto bonæ voluntatis coronat, qui-
 bus egregia indoles, & bellica dexteritas ad immortalem
 famam non humile præbet suffragium. Martem hunc
 coronatum alacri passu sequebaris, quocunq; Regnatorē
 Clypeum deflexit, sive in Othomanicam lunam, sive in

*Ad Aulam
 Serenissimi
 IOANNIS
 III. alacre
 obsequium.*

Proprio a-
re cata-
phractam
militum
cohortem
sustentat.

ce
zul
hi
is
,G
or
ni

volaticas Scytharum excursiones. Post fata Samuelis Prazmowski Palatini Plocensis, cataphractorum militum cohortem tenendam accepisti, quam proprio impendio sustentas. Auream hanc liberalitatis messem penes signatorium Rastrum grata suspicit patria, & Bellonæ devota pectora veneratur. Aureo hoc imbre non unum Perseum, sed centenos produxisti, qui clypeis armati unâ Tecum hostiles frangunt conatus. Effudisti pretiosum munificentiae Tagum, in quo strenui milites lubricam piscarentur fortunam, vel ancipitem caperent victoriam. Semper apertam in subsidium patriæ habes dexteram, utroq; illam tueris, auro & chalybe, optimus Tuæ matris defensor. Pulchra hæc animi oblectatio, galeatos Gradivi leones aureis retibus venari: ejusmodi feræ talibus detinentur laqueis, licet ferreis mucronum cancellis intertextas caveas facile perrumpant. Optima bonorum dilapidatio, ex qua angulares Reipublicæ lapides assurgunt, & infractæ ad omnem impetum exscinduntur columnæ. Suavissima quædam tyrannis est, & clemens crudelitas, damnare quam plurimos ad metalla, quæ non ex visceribus terræ, sed benefica manu eriuuntur. Medicabile vulnus, si liberalis dextera jactat argenteas Philippi hastas: simile hastifragium non terret heroum animos, sed delectat. Mille dignus es adoreis Illustrissime Domine, quod proprio peculio solvas stipendia generoso militi, Tuum in patriam amorem, & *nomen in aures gloria sparsa feret, Te nec ventura silebunt lustra, nec ignota rapiet sub nube vetustas.* Quæ tandem lingua edisseret quantum placuerit Serenissimo Principi vivax Tuum ingenium? ideoq; vivum illud argentum calamo inclusit, quo Regiæ mentis arcana in paginâ effundis. Tuæ pennæ veluti aureæ clavi inæstimabilem Regalis judicii thesaurum IOANNES III. concedidit, ad multorum desideria referandum. Ipsæ literarum umbræ, quas aliquando exarasti, illustres fuerunt, quia Serenissimæ Majestatis radios in se occultabant: non calamus credebatur in Tua

in Tua manu, sed Promethei virga à splendidissimo sole
accensa insolitum lumen diffundens. Quotiescunque
Conclavis Regij sigillum molliori ceræ impressisti, toties
signatoria regni Aquila Serenissimo Vmbone armatum pec-
tus in defensionem legum opposuit, ipsa papyrus stetit
cataphracta, omnes paginæ clypeatæ in munitionem se
se armabant. Sit sanè Poëtarum figmentum nata Pallade
gemmeam de cælo grandinem cecidisse, è Tuo capite
prognatæ Minervæ unica sigillatoria gemma pro mille
alijs sufficit ad ornamentum. Quondam Tui Stanislai di-
gitus à pisce devoratus abscondi non poterat, quia illum
accensa fax prodidit: quid mirum quod Tua tota manus
in abdito latere non potuerit, Regnantis Serenissimi radijs
illustrata. Ad nutum Principis Tuum volubile obsequium
circularem Regni, & Regis Annulum promeruit. Pro tri-
umphali curru aureas publicæ fortunæ rotas habuisti, qui-
bus in Capitolium honoris provectus, virtute prodroma
altiora subsellia ascendes. Ipsa Sarmatica ales Te suis in
altum libravit pennis, quæ tenaciùs Tuis adhæsit mani-
bus, quam sigillatrici ceræ, quia apud Te libenter delici-
abatur. Hucusq; patria nostra tenet altiori infixam me-
moriæ Tuam Illustrissime Domine prudentiam, quâ in
publicis Comitiorum consilijs tot capita, & sensus Civi-
um moderabaris. Totius Equestris Ordinis supremus Di-
rector omnium vota & affectus Tua dexteritate traxisti.
Nemo fuit, qui ad Mareschalcalem lituum promovendo
suum non dedisset suffragium. Inter electorales calculos
ambulatoriæ hominum voluntates stadiodromas agunt,
quodsi futurus honoris candidatus in meta probatæ virtu-
tis bravium illis proponat, omnes ad illud unanimiter
concurrunt. Ille Tuus Scipio in Reipublicæ Liburnica
optimus fuit malus, quo instructa feliciter contrarios dif-
ficultatum fluctus superare poterat, quia in domesticis
SZCZVKOVIORVM Montibus bonæ spei Promontoriū,
an potius Insulas Fortunatas invenit. Virga illa directi-
onis, quam Supremus Comitiorum Moderator gessisti,
F veluti

*In Comitijs
Regni Ma-
reschalci
electus An-
no 1688.*

veluti in sacra pagina Aaronis quosdam lætitiæ flores toti
 patriæ in hyeme produxit, imò maturos consilij fructus
 in bellaria apposuit. Redivivum in Te vidimus Mercu-
 rium, cui hoc caduceo dissidentium animorum sensus cõ-
 ciliandi nemine reclamante concessa facultas. Solus Tu in
 omnium affectibus regnabas, illi in Tuo dominabantur:
 Tu omnium ore loquebaris, illi Tuo dicebant. Necdum
 ex integro prolata verba, & jam ab audientibus certatim
 ex Tua lingua rapiebantur, quilibet dimidiatas etiam vo-
 ces avidissimè furabatur. Inhiabant tornatæ Tuæ dicti-
 oni avari prædones, profundo pectore suspiria prementes.
 Veluti apum examina sine murmure convolabant ad Tuæ
 eloquentiæ mella, suavemq; prudentiæ Hymettum. Pro-
 pius adstantes Tui oris spiritu vivere quodammodo vide-
 bantur, quasi Chamalæontes lenioribus Ethesijs, illum
 in animis expressuri colorē, quem Tuus erga patriā candor
 depinxit. Loquens ita omnibus placebas, ut in quādā men-
 tis extasim singulos rapueris: tanta verborum gravitate
 perorabas, ut quemlibet in Tuam traxeris sententiam.
 Iucundum erat videre à Tuo mille vultus obstupefactos
 pendere, mille oculos in Te defixos teneri: nemo fuit
 qui Te attonitus non aspexisset: plures numeraban-
 tur, qui Tuum suave eloquium privatis annotabant co-
 dicillis, vel memoriæ imprimebant. Acerrimum e-
 gisti defensorem Polonæ libertatis, quæ nunquam securi-
 or esse poterat, quàm in gentilitijs SZCZVKOVIORVM
 Montibus consistens. In rebus arduis semper Tibi fue-
 runt ponderatissima oracula, quæ nec Apollinis cortina,
 nec Trophonij antrum dedisset. Cana apud Te consilia
 scipione non egebant, quo fulcirentur, quia solido passu
 ad boni communis promotionem festinabant, ipsa tantum
 manus ornari debuit Mareschalcali baculo, penes quem
 Supremus Director coronæ Civium vocem dispensares.
 Publicas agendi provincias toties suscepisti Illustrissime
 Domine, in Commissarium assignatus nomine Serenissi-
 mi Regis cum Daniloicio Thesaurario Curia ad Tribu-

Varia Le.
 gationes Il-
 lustrissimi
 Domini.

nal Regni. Stupuit Sarmatica Themis Tuum ingenium
acrius suo mucrone, & gravissimum iudicii pondus nequa-
quam sua bilance librandum esse putavit. Aequitatis amā-
tissimus re ipsa Stanislaum te probasti, ad cuius vocem
veritas de terra orta prodiit, & iustitia de cælo prospexit.
Ex Comitibus ad tractatus cum Moschis ineundos delega-
tus, egregie hanc Spartā coluisti: secundaria Tibi datur Cō-
missio iterum Pressoviam, ad deditionem persuadendam
ad Serenissimum Fridericum III, Electorem Brandebur-
gicum cum Illustrissimo Domino *Hieronymo Lubomirski*
S. R. I. Principe, protunc Curiae Regni Mareschalco, nūc
supremo Thesaurario Regni. Dedit plenariam potesta-
tem Respublica Tuæ activitati summa tractandi negotia,
quia Te parem tanto mūneri Legatum iudicavit. Non
pridem ad Augusta Serenissimæ TERESIÆ Connubij fæ-
dera cum Serenissimo ELECTORE BAVARIÆ Commis-
sarium egisti, cum exterorum admiratione, & patriæ in-
genti solatio. Irrugit Bavaricus Leo ad Tui salutatio-
nem, summam in agendo dexteritatem admiratus: liben-
ter Te aspexit sol peregrinus, omnes discutiens nimbos,
ut gratissimum advenam diutius posset intueri. Martia-
les Tuos ausus Illustrissime Domine *meritis sustentat fa-* *Bellica ex-*
ma trophæis, quia tot prælijs adfuisti, quæ abhinc pluri- *peditiones.*
bus annis, vel non ita pridem contra superbum orientem
gerebantur. Pennata celeritate pervolabas, cælo conter-
minos montes, glaciale Carpati supercilium calcans tri-
umphali vestigio. Vidit Hungaria Te sequentem palma-
res gressus Serenissimi IOANNIS III. altiùs seipsam at-
tollens tumidis gibbosa montibus, ut Tuo melius frue-
retur aspectu. Quod si ulterius progrediebaris, in la-
chrymas quodammodo solutæ vites effusè Tuam absenti-
am plorabant, Te recedente purpurascens racemi sensim
expallesce videbantur. In Viennensi & Strigonien-
si expeditione victore gladio messuisti hostium capita, ultra
Hierasum, Seretumq; fluvios: & ad Achilleam usq; Bu-
dziacen-

Regens
 Cancellaria Regni.

dziacenses campos Tuus grassabatur ensis, ad cuius graviorem ictum hostium vires elidebantur, *extremisq; animæ singultibus errans alternus nunc ore cruor, nunc vulnere fluxit.* Tributarij Tuis virtutibus honores certatim in Tuum sinum ruebant, unus alium præcurrere voluit, quilibet agilis in illo cursu stadiodromus. Publica Regni Acta activum Te in omnibus testantur, magnum illis addidisti pretium, Tui inquam sudoris gemmas. Alibi perditæ causæ veluti quædam navigia in naufragas dissipata tabellas adversis fatorum feruntur fluctibus, apud Te semper portum inveniunt tersissimo Tui ingenij lumine splendidam Pharum illis accendente. Vivet nunquam morituræ laudis memoria in publicis Regni monumentis, in quibus nunquam sepelitur fama, sed immortalis servatur.

Gubernator Lublinensis.

Palatinatus Lublinensis Cervus non gratis Te suum fontem sitiebat, millenis anhelans desiderijs, quia Gubernatorem Lublinensem salutavit: pulchrior Tu illi corona, quàm illa, quæ collum ipsius aureo obligavit circulo. Fera hæc libenter cum gentilitio Lublini Capro in Tuis exspatiatur Montibus læto supplodens pedemate, quòd illi inter victrices laureas deliciari liceat. In Referendariatu Regni constitutus, gratanter supplices libellos recipis: gratiosa Tui vultus serenitas lachrymis miserrorum spongia quædam est: Tui oculi alienæ tristitiæ umbris lux desideratissima: Tuæ manus calamitosorum receptacula. Brevi Te sustentabunt laticlavie curules; præmiatrix meritorum Serenissima Manus Tuos in Republica labores amplioribus titulis coronabit.

Referendarius Regni.

